

ხელშეკრულება სახელმწიფო შესყიდვის შესახებ
N GOG/D/CW/21

ქ. თბილისი

„15 ივნისი 2016 წ

ერთის მხრივ, სსიპ საქართველოს მუნიციპალური განვითარების ფონდი (შემდგომში „შემსყიდველი“), წარმოდგენილი მისი აღმასრულებელი დირექტორის ბ-ნი ჯუანშერ ბურჭულაძის სახით და მეორეს მხრივ შპს „სახელმწიფო სამშენებლო კომპანია“ (შემდგომში „მიმწოდებელი“) წარმოდგენილი მისი დირექტორის ბ-ნი იოსებ ოზაშვილის სახით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ბ“ ქვეპუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესი“-ს მე-3 მუხლის პირველი პუნქტის „ბ“ ქვეპუნქტის, სახელმწიფო შესყიდვების სააგენტოს თავმჯდომარის 2016 წლის 15 ივნისის N2080 განკარგულების „სსიპ საქართველოს მუნიციპალური განვითარების ფონდისთვის სახელმწიფო შესყიდვის გამარტივებული შესყიდვით განხორციელების შესახებ თანხმობის გაცემის თაობაზე“ (SMP160001942) საფუძველზე, გამარტივებულის შესყიდვის საშუალებით, თანხმდებიან შემდეგზე:

1. ხელშეკრულების საგანი და ღირებულება

- 1.1. წინამდებარე ხელშეკრულების საფუძველზე მიმწოდებელი კისრულობს ვალდებულებას მიაწოდოს შემსყიდველს წილკანის დევნილთა დასახლების დაზიანებული შიდა საუბნო ქუჩების სამშენებლო სამუშაოები (CPV-45233120).
- 1.2. ხელშეკრულების ღირებულებაა 199.343,75(ასოთხმოცდაცხრამეტი ათას სამასორმოცდასამი ლარი და 75 თეთრი) ლარი.

2. წინამდებარე ხელშეკრულების შემადგენელი ნაწილები:

- 2.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მისგანუყოფელ ნაწილს, კერძოდ:
 - ა) წინამდებარე ხელშეკრულება
 - ბ) ხელშეკრულების ზოგადი პირობები;
 - გ) ხელშეკრულების სპეციფიკური პირობები;
 - დ) ხარჯთაღრიცხვა;

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

„შემსყიდველი“

სსიპ „საქართველოს მუნიციპალური განვითარების ფონდი“
ს/კ 206074193

ქ. თბილისი აღმაშენებლის გამზირი N150
სახელმწიფო ხაზინა;

ხაზინის ერთიანი ანგარიში

ბანკის კოდი TRESGE22



ჯუანშერ ბურჭულაძე
აღმასრულებელი დირექტორი

„მიმწოდებელი“

შპს „სახელმწიფო სამშენებლო კომპანია“
ს/კ 205140257

ქ. თბილისი, ორხევის დასახლება, ახვლედიანის
№21

ს/ს „თაბისი ბანკი“
ბანკის კოდი TBCBGE22
ა/ა GE17TB1100000360200175

იოსებ ოზაშვილი

დირექტორი



ხელშეკრულების ზოგადი პირობები

1. ხელშეკრულების ტერმინები

- 1.1 „ხელშეკრულების სპეციფიკური პირობები“ არის ხელშეკრულების დანართი, რომელიც აზუსტებს ამ ხელშეკრულების ზოგად პირობებს და წარმოადგენს მის განუყოფელ ნაწილს.
- 1.2 „ტექნიკური დავალება“ არის მისაწოდებელი სამუშაოს დეტალური განფასებული ჩამონათვალი (ხარჯთაღრიცხვა), რომელიც წარმოადგენს წინამდებარე ხელშეკრულების განუყოფელ ნაწილს.
- 1.3 „ხელშეკრულების ფასი“ ნიშნავს საერთო თანხას, რომელზეც მხარეთა შორის გაფორმდა ხელშეკრულება
- 1.4 „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული;
- 1.5 „პროექტი“ არის იმ მიზნებისა და ამოცანების ერთობლიობა, რომლებზეც ორიენტირებულია ეს ხელშეკრულება.
- 1.6 „შესრულებული სამუშაოების ანგარიში“ (შემდგომში "შსა") - ნიშნავს სამუშაოს ან მისი ნაწილის შესრულების დამადასტურებელ დოკუმენტს, რომელიც შესაბამება მე-9 მუხლით ("ხელშეკრულების საგნის მიღება-ჩაბარება") განსაზღვრულ პირობებს.
- 1.7. „ხარვეზი“ არის „მიმწოდებლის“ საქმიანობის შეუსაბამობა ამ ხელშეკრულების პირობებთან.
- 1.8. „სამშენებლო მოედანი“ არის მშენებლობის განხორციელების დოკუმენტებით განსაზღვრული ტერიტორია, რომელიც აუცილებელია სამშენებლო სამუშაოების განხორციელებისა და მომსახურებისათვის. ხელშეკრულების ფარგლებში შესაძლებელია არსებობდეს რამდენიმე სამუშაო მოედანი. ასეთ შემთხვევაში, ხელშეკრულების შესრულების კონტროლი შეიძლება განხორციელდეს ინდივიდუალურად, თითოეულ მოედანთან მიმართებაში.
- 1.9. დამოწმების უწყისი (გადახდის სერთიფიკატი) არის შსა-ს ან მიღება-ჩაბარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე შემსყიდველის მიერ დამოწმებული დოკუმენტი.
- 1.10. „დეფექტი“ („ნაკლი“, „წუნი“) არის ნივთობრივად და უფლებრივად ნაკლოვანი ნივთი/ შესრულება საქართველოს კანონმდებლობის შესაბამისად.

2. ხელშეკრულების ვადები

- 2.1 სამუშაოს შესრულების ვადები
 - 2.1.1 სამუშაოს მიწოდების საერთო ვადა განისაზღვრება ხელშეკრულების სპეციფიკური პირობებით.
 - 2.1.2. ამ ხელშეკრულების მე-12 მუხლით გათვალისწინებული მიზეზების არსებობისას, 8.2 პუნქტით განსაზღვრული ზედამხედველის შუამდგომლობის საფუძველზე და 8.3 პუნქტით განსაზღვრული პასუხისმგებელი პირის მხრიდან თანხმობის შემთხვევაში, შესაძლებელია

მ/ლ

ხ. ა. ბ.

განხორციელდეს წინამდებარე ხელშეკრულების 2.1.1 პუნქტით გათვალისწინებული სამუშაოს შესრულების საერთო ვადის ცვლილება.

2.2 ხელშეკრულების მოქმედების ვადა განისაზღვრება ხელშეკრულების სპეციფიკური პირობებით.

3. შესრულებული სამუშაოების საგარანტიო ვადები

3.1. დეფაქტური პასუხისმგებლობის პერიოდი შეადგენს 6 კალენდარულ თვეს საბოლოო მიღება ჩატარების აქტით გათვალისწინებული სამუშაოთა დასრულების თარიღიდან.

4. ხელშეკრულების შესრულების უზრუნველყოფა - არ გამოიყენება

5. ხელშეკრულების დაზღვევა - არ გამოიყენება

6. ხელშეკრულების ფასი და ანგარიშსწორება

6.1. **ხელშეკრულების ფასი განისაზღვრება ხელშეკრულების სპეციფიკური პირობებით.**

6.2. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე, უნაღდო ანგარიშსწორების ფორმით წინამდებარე ხელშეკრულების პირობების შესაბამისად დადასტურებული შსა-ს ან მიღება-ჩატარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე, შემსყიდველის მიერ გადახდის უწყისის დამოწმებიდან არაუგვიანეს 10 (ათი) სამუშაო დღის განმავლობაში.

6.3. შესაძლებელია საავანსო ანგარიშსწორება საქართველოში მოქმედი საბანკო დაწესებულების მიერ გაცემული შემსყიდველთან შეთანხმეული შინაარსის უპირობო, გამოუთხოვადი წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 60 კალენდარული დღით უნდა აღემატებოდეს სამუშაოთა მიწოდების საბოლოო ვადას.

6.4. ავანსის მოცულობას და პერიოდულობას განსაზღვრავს „შემსყიდველი“ „მიმწოდებლის“ მიერ წარმოდგენილი არგუმენტირებული მოთხოვნის საფუძველზე.

6.5. თეთრ სიაში რეგისტრირებული მიმწოდებელი, უფლებამოსილია წარმოადგინოს წინასწარი ანგარიშსწორების (საავანსო გადახდა) საბანკო გარანტია საავანსო თანხის 50%-ის ოდენობით.

6.6. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 სამუშაო დღის განმავლობაში.

6.7. წინასწარ ავანსის სახით გადარიცხული თანხის დაქვითვა განხორციელდება წინამდებარე ხელშეკრულების პირობების შესაბამისად დადასტურებული შსა-ს ან მიღება-ჩატარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე, შემსყიდველის მიერ გადახდის უწყისის დამოწმებიდან 10 (ათი) სამუშაო დღის განმავლობაში.

6.8. ხელშეკრულების 6.5. პუნქტში აღნიშნული შემთხვევისას თავდაპირველად განხორციელდება არაუზრუნველყოფილი საავანსო თანხის დაქვითვა სრულად.

6.9. ყოველი მიწოდებული სამუშაოს ღირებულებიდან განხორციელდება შესრულებული სამუშაოს ღირებულების 5%-ის დაკავება სამუშაოს ხარისხის დაცვის უზრუნველსაყოფად.

მ/ლ

2022

დაკავებული 5%-დან 2.5%-ის დაბრუნება განხორციელდება სამუშაოს სრულად დასრულებისა და შემსყიდველის მიერ შექმნილი სამუშაოთა მიმღები კომისიის მიერ შედგენილი საბოლოო მიღება-ჩაბარების აქტის გაფორმების შემდეგ. შესრულებული სამუშაოს ღირებულებიდან დაკავებული თანხის დარჩენილი 2.5%-ის დაქვითვა განხორციელდება დეფექტების პასუხისმგებლობის პერიოდის (საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 6 კალენდარული თვე) დასრულებისა და დეფექტების პასუხისმგებლობის პერიოდში დეფექტების არარსებობის შესახებ სპეციალური კომისიის მიერ შედგენილი აქტის საფუძველზე.

6.10. მიწოდებული სამუშაოს ხარისხის დაცვის უზრუნველსაყოფად სამუშაოს ღირებულების 2.5%-ის ანგარიშსწორების მიზნით შემსყიდველის მიერ შექმნილი სამუშაოთა მიმღები კომისიის მიერ შედგენილი საბოლოო მიღება-ჩაბარების აქტის გაფორმებიდან არაუგვიანეს 10 კალენდარული დღის ვადაში მიმწოდებელი ვალდებულია წარუდგინოს შემსყიდველს, მასთან შეთანხმებული შინაარსის საქართველოში მოქმედი საბანკო დაწესებულებიდან გაცემული გამოუთხოვადი, უპირობო ხარისხის უზრუნველყოფის საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს დეფექტების პასუხისმგებლობის (საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 6 კალენდარული თვე) პერიოდს.

6.11. იმ შემთხვევაში თუ შემსყიდველისთვის ცნობილი გახდა ან შემსყიდველს გაუჩნდა საფუძვლიანი ეჭვი იმ გარემოების შესახებ, რომ მიმწოდებელი ვერ უზრუნველყოფს წინამდებარე ხელშეკრულების 6.10. პუნქტის თანახმად შესრულებული სამუშაოების ღირებულების 2.5 %-ის ოდენობის ხარისხის უზრუნველყოფის საბანკო გარანტიის წარმოდგენას, შემსყიდველი უფლებამოსილია უარი განაცხადოს დაკავებული თანხის ანგარიშსწორებაზე, ხოლო შემსყიდველის მხრიდან ასეთი გადაწყვეტილების შემთხვევაში მიმწოდებელი უპირობოდ კარგავს უფლებას დაკავებული თანხის (2.5%) მიღებაზე.

6.12. იმ შემთხვევაში თუ სხვადასხვა მიზეზის გამო მიმწოდებელი ორგანიზაცია ვერ უზრუნველყოფს ან უარს აცხადებს დეფექტების პასუხისმგებლობის პერიოდში დაფიქსირებული ნაკლოვანებების აღმოფხვრაზე, შემსყიდველი (დამოუკიდებელი ექსპერტის მეშვეობით) შეაფასებს ობიექტზე წარმოქმნილი დეფექტების აღმოფხვრის ხარჯს და მიმართავს ხარისხის უზრუნველყოფის საბანკო გარანტიის გამცემ ორგანოს შესაბამისი თანხის გამოთხოვის თაობაზე. თუ დეფექტების აღმოსაფხვრელად საჭირო თანხა აღემატება წინამდებარე ხელშეკრულების შესრულებული სამუშაოების ღირებულების 2.5 %-ის ოდენობას პუნქტით გათვალისწინებულ თანხას, ასეთ შემთხვევაში შემსყიდველი მოქმედი კანონმდებლობის შესაბამისად დაავისრებს მიმწოდებელს დარჩენილ განსხვავებას.

6.13. იმ შემთხვევაში თუ, ხელშეკრულება წინამდებარე ხელშეკრულებით გათვალისწინებული პირობების შესაბამისად შეწყდა ვადაზე ადრე და/ან მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ შეთანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების გაზიარებისა და გადარჩენილი არაუგვიანეს 5 (ხუთი) სამუშაო დღის ვადაში დააბრუნოს წინასწარ ავანსის სახით გადარიცხული თანხიდან შეუსრულებელი ვალდებულების პროპორციული ღირებულების შესაბამისი თანხა, წინააღმდეგ შემთხვევაში შემსყიდველი უფლებამოსილია გარანტიის მოქმედების პერიოდში მიმართოს გარანტიის გამცემ ორგანოს (გარანტს), ავანსის სახით გადარიცხული თანხის

ფარგლებში მიმწოდებლის მხრიდან შეუსრულებელი სამუშაოს ღირებულების პროპორციულად გათვალისწინებული თანხის დაბრუნებაზე, ასევე მიმწოდებელი ვალდებულია შემსყიდველის მიერ პირველივე მოთხოვნის წაყენებიდან არაუგვიანეს 10 კალენდარული დღის განმავლობაში დააბრუნოს არაუზრუნველყოფილი საავანსო თანხა (ასეთის არსებობის შემთხვევაში). ხელშეკრულების ვადაზე ადრე შეწყვეტის შემთხვევაში მიმწოდებლის მიერ შესარულებელი ვალდებულებების მოქმედების ვადა გრძელდება ვალდებულების სრულ შესრულებამდე.

6.14. ხარჯთაღრიცხვაში ასახული გაუთვალისწინებელი სამუშაოების ხარჯების ანაზღაურება განხორციელდება მხოლოდ ასეთი ხარჯების არსებობის შემთხვევაში. გაუთვალისწინებელი ხარჯების არსებობისას მიმწოდებელმა უნდა უზრუნველყოს ასეთი ხარჯების დეტალური გაშიფვრა და დასაბუთება, რომლის საფუძველზეც განხორციელდება ხელშეკრულების 8.2 პუნქტით განსაზღვრული პირის მიერ შსა-ს დადასტურება. გაუთვალისწინებული სამუშაოების გაწევის უფლება მიმწოდებელს ეძლევა შესმყიდველის ან მის მიერ უფლებამოსილი პირის თანხმობის შემთხვევაში.

7 ხელშეკრულებით გათვალისწინებული სხვა მხარეები

7.1 ქვეკონტრაქტორ(ები)

7.1.1 ხელშეკრულების მიმდინარეობის ნებისმიერ ეტაპზე „მიმწოდებელი“ უფლებამოსილია უზრუნველყოს სამუშაოს წარმოება ქვეკონტრაქტორ(ების მონაწილეობით.

7.1.2 ქვეკონტრაქტორ(ების მეშვეობით სამუშაოთა წარმოების უფლების მიღება „მიმწოდებელს“ გააჩნია მხოლოდ შემსყიდველთან შეთანხმების საფუძველზე, აღნიშნული უფლების მისაღებად „მიმწოდებელმა“ უნდა წარმოადგინოს ქვეკონტრაქტორ(ები)თან გაფორმებული ხელშეკრულება ქვეკონტრაქტით შესასრულებელი სამუშაოების შესახებ ინფორმაციის მითითებით.

7.1.3 ქვეკონტრაქტ(ები)ით შესასრულებელი სამუშაოების (ასეთის არსებობის შემთხვევაში) წილის ლიმიტი, ხელშეკრულების ფასთან მიმართებაში განისაზღვრება ხელშეკრულების სპეციფიკური პირობებით.

7.1.4 შემსყიდველი უფლებამოსილია უარი განაცხადოს ქვეკონტრაქტორ(ები)ის სამუშაოს შესრულების პროცესში ჩართვასთან დაკავშირებით.

7.1.5 ქვეკონტრაქტორ(ები)ის მიერ ნაკისრი ვალდებულებების შეუსრულებლობით ან არაჯეროვანი შესრულებით დამდგარ შედეგზე „შემსყიდველის“ წინაშე პასუხისმგებელია მხოლოდ „მიმწოდებელი“.

7.1.6 ქვეკონტრაქტორ(ები)ის მიერ შესრულებული სამუშაოს მიწოდებას და შესაბამისად სამუშაოს ჩაბარებას უზრუნველყოფს „მიმწოდებელი“.

7.1.7 ქვეკონტრაქტორ(ები)ის მიერ შესრულებული სამუშაოს ღირებულების ანგარიშსწორება განხორციელდება „მიმწოდებელთან“ წინამდებარე ხელშეკრულებით გათვალისწინებული პირობების შესაბამისად.

7.2 უფლებების გადაცემა

7.2.1 „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვა პირებს მოცემული ხელშეკრულებით არსებული თავისი ვალდებულებები.

7.2.2 მიმწოდებლის მხრიდან ხელშეკრულების პირობების დარღვევის შემთხვევაში, „შემსყიდველი“ უფლებამოსილია სამუშაოს ის ნაწილი, რომელზეც განპიროვნებული იყო ქვეკონტრაქტორი, განაცალკევოს ამ ხელშეკრულებისაგან და გადასცეს შესასრულებლად ქვეკონტრაქტორს.

7.3 ბენეფიციარები

7.3.1 „შემსყიდველი“, საქართველოს კანონმდებლობაზე დაყრდნობით, ასრულებს ამ ხელშეკრულებით გათვალისწინებულ პროექტს ბენეფიციარის სასარგებლოდ.

7.3.2 ბენეფიციარი, რომელიც მიეთითება ხელშეკრულების სპეციფიკურ პირობებში, იღებს ვალდებულებას, ხელი შეუწყოს პროექტის განხორციელებას.

7.3.3 პროექტის ხელშეწყობის მიზნით, ბენეფიციარი გამოყოფს უფლებამოსილ წარმომადგენელს, რაც აისახება ხელშეკრულების სპეციფიკურ პირობებში,

7.3.4 იმ აქტივობებისათვის, რომლებიც ემსახურება საკუთრების შეკეთებას ან რეაბილიტაციას, ბენეფიციარი გამოხატავს თანხმობას სამუშაოების წარმოებაზე.

7.3.5 იმ აქტივობებისათვის, რომლებიც ემსახურება ახალი ობიექტების შექმნას, ბენეფიციარი გამოხატავს თანხმობას სამუშაოს წარმოებაზე და იღებს ვალდებულებას, გადაიჩაროს და ექსპლუატაცია გაუწიოს ამ ობიექტებს.

8 ხელშეკრულების შესრულების კონტროლი

8.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს, რომელიც მოიცავს სამუშაოების ზედამხედველობას და პროექტის ზედამხედველობას.

8.2 სამუშაოების ზედამხედველობის განხორციელების მიზნით, შემსყიდველი ნიშნავს პროექტის ზედამხედველს („ზედამხედველი“), რაც აისახება ხელშეკრულების სპეციფიკურ პირობებში.

8.3 პროექტის საერთო კონტროლის განხორცილების მიზნით, შემსყიდველი ნიშნავს პროექტზე პასუხისმგებელ პირს („პასუხისმგებელი პირი“), რაც აისახება ხელშეკრულების სპეციფიკურ პირობებში. შემსყიდველის გადაწყვეტილებით, ზედამხედველი შეიძლება ამავდროულად იყოს პასუხისმგებელი პირიც.

8.4. ხელშეკრულების მიმდინარეობის კონტროლის მიზანს წარმოადგენს:

8.4.1 სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;

8.4.2. მიწოდებული სამუშაოს - ხელშეკრულების დანართებთან (ხარჯთაღრიცხვა, სამუშაოს მიწოდების ვადები) შესაბამისობის დადგენა, შესაბამისი ინსპექტირების დასკვნის შედგენა (აუცილებლობის შემთხვევაში), ფარული სამუშაოების კონტროლი (ასეთის არსებობის შემთხვევაში), მიწოდებული სამუშაოების ფაქტობრივი დანახარჯების შესახებ 9.2 პუნქტით

nm / cm

Koza D

განსაზღვრული საექსპერტო დაწესებულების მიერ გაცემული დასკვნის, წინამდებარე ხელშეკრულების დანართის (ხარჯთაღრიცხვა) ურთიერთშედარება და მათ საფუძველზე მიმწოდებლის მიერ შესრულებულ სამუშაოების ან მისი ნაწილის მოცულობისა და ღირებულების დადგენა, შსა-ს დამოწმება და ანგარიშსწორების პროცესის რეგულირება.

8.4.3 ტექნიკური დავალების დანართებით გათვალისწინებული ღონისძიებებისა და საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

8.4.4 „მიმწოდებლის“ მატერიალურ-ტექნიკური ბაზისა და პროფესიული კომპეტენციის შესაბამისობის დადგენა განსახორციელებელ სამუშაოებთან მიმართებაში.

8.5 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის პროცედურებისთვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ პროცედურების განხორციელების მიზნით გამოიყენებს საკუთარ ან მოწვეულ პერსონალს, იგი თავად გასწევს ამასთან დაკავშირებულ ხარჯებს.

8.6. „მიმწოდებელი“ ვალდებულია საკუთარი ხარჯებით უზრუნველყოს კონტროლის პროცედურების შედეგად გამოვლენილი ყველა დეფექტის აღმოფხვრა.

9. ხელშეკრულების საგნის მიღება-ჩაბარება

9.1 სამუშაოს ან მისი ნაწილის მიღება-ჩაბარება ხორციელდება შსა-ს საფუძველზე მიმწოდებლის მიერ ფაქტიურად შესრულებული სამუშოს ან მისი ნაწილის მოცულობის შესაბამისად.

9.2 შსა-ს დადასტურების მიზნით მიმწოდებელი ვალდებულია შემსყიდველს წარუდგინოს მიწოდებული სამუშაოების ფაქტობრივი დანახარჯების შესახებ საექსპერტო დაწესებულების (სსიპ ლევან სამხარაულის სახელობის სასამართლო ექსპერტიზის ეროვნული ბიურო ან სსიპ „აკრედიტაციის ერთიანი ეროვნული ორგანო - აკრედიტაციის ცენტრი“-ს მიერ აღნიშნულ სფეროში აკრედიტებული სხვა საექსპერტო დაწესებულება) მიერ გაცემული დასკვნა, აღნიშნული დასკვნის შესაბამისი სამუშაოს მოცულობები და ღირებულებები ელექტრონულ ვერსიასთან ერთად. ფაქტობრივი დანახარჯების შესახებ საქსპერტო დაწესებულების მომსახურებისათვის გაწეული ხარჯების ანაზღაურებას უზრუნველყოფს მიმწოდებელი. ფაქტობრივი დანახარჯების შესახებ წარმოდგენილი დასკვნა უნდა აკმაყოფილებდეს შემდეგ პირობებს:

ა)ფაქტობრივი დანახარჯების შესახებ გაწეული ხარჯების პირველადი დოკუმენტების შემოწმების საფუძველზე უნდა იყოს განსაზღვრული შესრულებული სამუშაოების თვითღირებულება.

ბ)დასკვნა უნდა მოიცავდეს ზედნადები ხარჯების, გეგმიური დაგროვების და დამატებითი ღირებულების გადასახადის დარიცხვებს.

9.3 ხელშეკრულების 8.2. პუნქტით განსაზღვრული პირი, შესრულებული სამუშაოს ხელშეკრულების დანართებთან გათვალისწინებულ მოთხოვნებთან შესაბამისობის დადგენის მიზნით, ახორციელებს შესრულებული სამუშაოს შემოწმებას, აუცილებლობის შემთხვევაში ადგენს შესრულებული სამუშაოს ან მისი ნაწილის ინსპექტირების აქტს, ამოწმებს სამუშაოთა მიმდინარეობის ვადებს, ამოწმებს ფარულ სამუშაოებს, ასეთის არსებობისას, ახორციელებს





მიმწოდებლის მიერ წარმოდგენილ შესრულებული სამუშაოების აქტების, მიწოდებული სამუშაოების ფაქტობრივი დანახარჯების შესახებ 9.2 პუნქტით განსაზღვრული საექსპერტო დაწესებულების მიერ გაცემული დასკვნის და წინამდებარე ხელშეკრულების დანართის (ხარჯთაღრიცხვა) ურთიერთშედარებას. იმ შემთხვევაში თუ ფაქტობრივი დანახარჯების მიხედვით ერთი ან რამოდენიმე პოზიციის ერთეულის ფასი აღემატება წინამდებარე ხელშეკრულების დანართის (ხარჯთაღირცხვა) შესაბამისი პოზიციით გათვალისწინებულ ერთეულის ფასს, ასეთ შემთხვევაში მიწოდებული სამუშაოს ღირებულების დაანგარიშება განხორციელდება წინამდებარე ხელშეკრულების დანართის (ხარჯთაღირცხვა) შესაბამისი პოზიციით გათვალისწინებულ ერთეულის ფასის შესაბამისად, ხოლო იმ შემთხვევაში თუ ფაქტობრივი დანახარჯების მიხედვით ერთი ან რამოდენიმე პოზიციის ერთეულის ფასი ნაკლებია წინამდებარე ხელშეკრულების დანართის (ხარჯთაღირცხვა) შესაბამისი პოზიციით გათვალისწინებულ ერთეულის ფასზე, მიწოდებული სამუშაოს ღირებულების დაანგარიშება განხორციელდება ფაქტობრივი დანახარჯების შესახებ 9.2 პუნქტით განსაზღვრული საექსპერტო დაწესებულების მიერ გაცემული დასკვნით გათვალისწინებული ფასის მიხედვით.

9.4 იმ შემთხვევაში, თუ შესრულებული სამუშაო ან მისი ნაწილი შეესაბამება ხელშეკრულების მოთხოვნებს, ხელშეკრულების 8.2 პუნქტით განსაზღვრული პირი ამოწმებს შსა-ს და ახორციელებს შესრულებული სამუშაოს ან მისი ნაწილის მიღებას, ხოლო თუ გამოვლინდება, რომ შესრულებული სამუშაო არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი.

9.5 სამუშაოთა საბოლოო მიღება:

9.5.1 მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების წესს და წევრებს განსაზღვრავს შემსყიდველი.

9.5.2 სამუშაოთა დასრულების შესახებ მიმწოდებელი წერილობით ატყობინებს შემსყიდველს და მიუთითებს თავისი წარმომადგენლის ვინაობას, რომელმაც მონაწილეობა უნდა მიიღოს შესმყიდველის მიერ განსაზღვრულ სამუშაოთა მიმღები კომისიის საქმიანობაში.

9.5.3 ხელშეკრულების 9.5.2. პუნქტით გათვალისწინებული შეტყობინებიდან არაუგვიანეს 30 კალენდარული დღის ვადაში სამუშაოთა მიმღები კომისია უზრუნველყოფს მიწოდებული სამუშაოს საბოლოო მიღებას, ობიექტური მიზეზების არსებობის შემთხვევაში წინამდებარე პუნქტით გათვალისწინებული ვადა შეიძლება გაგრძლედეს შემსყიდველის გადაწყვეტილების საფუძველზე.

9.5.4 სამუშოს მიმღები კომისია მოწოდებულ სამუშაოს და ობიექტის დასრულების თაობაზე ხელისმოწერებით ადასტურებს საბოლოო მიღება-ჩაბარების აქტს.

9.6 შემსყიდველი ვალდებულია გონივრულ ვადაში, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა და წუნდების მიზეზის მითითებით ასეთის არსებობის შემთხვევაში.

9.7 სამუშაოს მიღების და/ან საბოლოო შემოწმების შედეგად გამოვლენილი დეფექტის აღმოფხვრას საკუთარი ხარჯებით უზრუნველყოფს მიმწოდებელი.



9.8 იმ შემთხვევაში თუ საბოლოო მიმღები კომისიის მიერ დადასტურდა, რომ შესრულებული სამუშაოები შეესაბამება ხელშეკრულებით გათვალისწინებულ მოთხოვნებს სამუშაოს დასრულების ვადად ჩაითვლება ხელშეკრულების 9.5.2. პუნქტის შესაბამისად მიმწოდებლის მიერ სამუშაოთა დასრულების შეტყობინების თარიღი, ხოლო თუ საბოლოო მიღებისას გამოვლინდა, რომ ადგილი აქვს წინამდებარე ხელშეკრულების 9.7. პუნქტით გათვალისწინებულ გარემოებას ობიექტის მიღება განხორციელდება მიმწოდებლის მიერ დეფექტის აღმოფხვრის შემდგომ, ხოლო მიმწოდებელს დაეკისრება 13.1.2 პუნქტით გათვალისწინებული პირგასამტეხლო, სამუშაოთა დასრულების საბოლოო თარიღიდან დეფექტების აღმოფხვრამდე.

10 მხარეთა უფლებები

10.1 მიმწოდებლის უფლებები

10.1.1 მიმწოდებელს უფლება აქვს, ხელშეკრულების ფარგლებში მოითხოვოს დროული და სრული დაფინანსება.

10.1.2 მიმწოდებელს უფლება აქვს დანიშნოს მისი სრულუფლებიანი წარმომადგენელი („მიმწოდებლის წარმომადგენელი“), რაც აისახება ხელშეკრულების სპეციფიკურ პირობებში.

10.2 შემსყიდველის უფლებები

10.2.2 შემსყიდველს უფლება აქვს აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი.

11 მხარეთა მოვალეობები

11.1 „მიმწოდებელი“ ვალდებულია:

11.1.1 მიაწოდოს „შემსყიდველს“ სამუშაო ხელშეკრულებით გათვალისწინებული მოთხოვნების განუხრელი დაცვით.

11.1.2 უზრუნველყოს გამოვლენილი ნაკლოვანების აღმოფხვრა საკუთარი ხარჯით, შემსყიდველის მომართვიდან არსებული ნაკლოვანების აღმოფხვრისთვის საჭირო გონივრულ ვადაში.

11.1.3 დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.1.4 გაავრცელოს შესრულებულ სამუშაოებზე გარანტია (დეფექტებზე პასუხისმგებლობის პერიოდი) (ასეთის გამოყენების შემთხვევაში) წინამდებარე ხელშეკრულებით გათვალისწინებული პირობების დაცვით.

11.1.5 დააზღვიოს შესყიდვის ობიექტი წინამდებარე ხელშეკრულებით გათვალისწინებული პირობების დაცვით.

11.1.6 პირნათლად შეასრულოს ხელშეკრულებით ნაკისრი ყველა ვალდებულება.

11.2 „შემსყიდველი“ ვალდებულია:

~~ / ~~~

~ ~ ~

11.2.1 გამოყოფილი სახსრების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

11.2.2 დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.2.3 დაიცვას ხელშეკრულებით გათვალისწინებული ყველა პირობა.

12 ხელშეკრულების შესრულების შეჩერება

12.1 ობიექტური გარემოებებით

12.1.1 თუ ხელშეკრულების შესრულების პროცესში მიმწოდებელი წააწყდება ისეთ გარემოებებს, რომელთა გამო ფერხდება ხელშეკრულების პირობების შესრულება, მან დაუყოვნებლივ უნდა გაუგზავნოს წერილობითი შეტყობინება შემსყიდველს და/ან ზედამხედველს, შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ზედამხედველი იღებს არგუმენტირებულ გადაწყვეტილებას, ჩაითვლება თუ არა წარმოდგენილი გარემოებები ობიექტურად და აცნობებს ამის შესახებ შემსყიდველს.

12.2 შემსყიდველის დავალებით

12.2.1 ზედამხედველს უფლება აქვს მისცეს დავალება მიმწოდებელს სამუშაოების შეჩერებაზე პროექტის სპეციფიკიდან გამომდინარე.

12.3 ფორს-მაჟორის გამო

12.3.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.3.2 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სამუშაოს მიწოდებისთვის საჭირო საქონლის მიწოდებაზე ემბარგოს დაწესებით, და ფინანსების წყაროს მკვეთრი შემცირებით და სხვა.

12.3.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი

nm / cm

hm / cm

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13 ხელშეკრულების პირობების დარღვევა

13.1 საჯარიმო სანქციები

13.1.1 შემსყიდველი იღებს ვალდებულებას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტებლო მიმწოდებელს შეუსრულებელი ვალდებულების 0.2 %-ის ოდენობით ყოველ ვადაგადაცილებულ დღეზე.

13.1.2 მიმწოდებელი იღებს ვალდებულებას სამუშაოს მიწოდების ვადების დარღვევის შემთხვევაში გადაუხადოს პირგასამტებლო შემსყიდველს შეუსრულებელი ვალდებულების ღირებულების 0.2 % ყოველ ვადაგადაცილებულ დღეზე.

13.1.3. წინამდებარე ხელშეკრულების 13.1.2. პუნქტით გათვალისწინებული პირგასამტებლოს დაკისრების შემთხვევაში შემსყიდველი უფლებამოსილია დაკისრებული პირგასამტებლო გამოქვითოს შესრულებული სამუშაოს ღირებულებიდან.

13.1.4 იმ შემთხვევაში თუ 13.1.2 პუნქტით გათვალისწინებული პირგასამტებლოს ჯამური დარიცხული თანხა შეადგენს 2 პროცენტს და მხარეები ვერ თანხმდებიან სამუშაოს შესრულების ვადის გაზრდაზე, შემსყიდველი უფლებამოსილია ცალმხრივად შეწყვიტოს ხელშეკრულება.

13.1.5 პირგასამტებლოს დარიცხვა ან გადახდა არ ათავისუფლებს მხარეებს ძირითადი ვალდებულებების შესრულებისაგან.

13.1.6 მხარეები თავისუფლდებიან პასუხისმგებლობისაგან თუ ადგილი აქვს მე-12 მუხლით გათვალისწინებულ ხელშეკრულების შესრულების შეჩერებას.

13.2 შეწყვეტის პირობები

13.2.1. ხელშეკრულება შეიძლება შეწყვეტილ იქნეს მხარეთა შეთანხმებით:

13.2.2. შემსყიდველს ასევე შეუძლია ცალმხრივად მთლიანად ან ნაწილობრივ შეწყვიტოს ხელშეკრულება:

13.2.2.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;

13.2.2.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

13.2.2.3 მიმწოდებლის გაკოტრების შემთხვევაში;

მ/ლ

თ. ა. გ.

13.2.2.4 მიმწოდებელი აჩერებს სამუშაოთა წარმოებას 10 დღეზე უფრო ხანგრძლივი დროით, მაშინ როდესაც ეს შეჩერება არ იყო ნებადადართული შემსყიდველის მიერ;

13.2.2.5 სამუშაოთა ზედამხედველი გამოსცემს შეტყობინებას, რომ რომელიმე დეფექტის აღმოუფხვრელობა წარმოადგენს ხელშეკრულების არსებით დარღვევას და მიმწოდებელი ვერ შესძლებს ამ დეფექტის გასწორებას ზედამხედველის მიერ დასაბუთებულად დადგენილი დროის განმავლობაში;

13.2.2.6 მიმწოდებელი არ წარმოადგენს საჭირო გარანტიებსა და დაზღვევის პოლისს (ასეთის გამოყენების შემთხვევაში);

13.2.2.7 თუ პროექტის განხორციელება ეკონომიკურად არაეფექტური გახდა შემსყიდველისთვის

13.2.2.8 საქართველოს მოქმედი კანონმდებლობით გათვალისწინებულ სხვა შემთხვევებში.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 იმ შემთხვევაში, თუ ხელშეკრულება წყდება მიმწოდებელის მიერ ხელშეკრულების პირობების არსებითი დარღვევების გამო, სამუშაოთა ზედამხედველი ადგენს დოკუმენტს, რომელშიც შეფასებულია შესრულებული სამუშაო მიმწოდებელისათვის უკვე გადახდილი თანხების და დაუსრულებელ სამუშაოთა ღირებულების ნაწილის გამოკლებით. მიმწოდებელს ხელშეკრულების პირობების დარღვევის გამო ჯარიმის სახით დაეკისრება შეუსრულებელი სამუშაოების ღირებულების 10%. ამ შემთხვევაში სამუშაოთა დასრულების ვადის გადაცილების ჯარიმა არ იქნება გამოყენებული. თუ საერთო თანხა, რომელიც ერგება შემსყიდველს, აღემატება თანხას, რომელიც ერგება მიმწოდებელს, განსხვავება ჩაითვლება დავალიანებად, რომელიც დაფარული უნდა იქნეს მიმწოდებელის მიერ.

14 დასკვნითი პირობები

14.1 ხელშეკრულების პირობების გადასინჯვა

14.1.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.1.2 წინამდებარე ხელშეკრულების ფასის შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

14.1.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ფასის 10%-ზე მეტი ოდენობით გაზრდა.

nm / LM

2022

14.1.4 იმ შემთხვევაში, თუ ხელშეკრულების ფასის გაზრდა გამოწვეულია სამუშაოთა მოცულობის გაზრდის გამო, გამოყენებული იქნება წინამდებარე ხელშეკრულების დანართით (ხარჯთაღრიცხვა) გათვალისწინებული ერთეულის ფასები, ხოლო თუ აუცილებელი გახდა ხელშეკრულების დანართით (ხარჯთაღრიცხვა) გაუთვალისწინებელი სამუშაოს დამატების გამო ცვლილების განხორციელება ასეთ შემთხვევაში ერთეულის ფასის დაანგარიშება უნდა განხორციელდეს ცვლილების განხორციელების პერიოდისათვის საბაზრო ფასის მიხედვით.

14.2 სადაო საკითხების განხილვა

14.2.1 შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთანდაკავშირებული სხვა კომპონენტის ირგვლივ.

14.2.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14.3 სხვა პირობები

14.3.1 ხელშეკრულება შედგენილია 2 (ორი) ეგზემპლარად და თითოეულ მათგანს თანაბარი იურიდიული ძალა აქვს.

14.3.2 ხელშეკრულების 1 (ერთი) ეგზემპლარი ინახება „მიმწოდებელთან”, ხოლო 1 (ერთი) „შემსყიდველთან”

14.3.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

14.3.4 მხარეების ოფიციალური საკონტაქტო მონაცემები მიეთითება სპეციფიკურ პირობებში



ხელშეკრულების სპეციფიკური პირობები

ქვემოთ მოყვანილი „ხელშეკრულების სპეციფიკური პირობები“ ავსებს და აზუსტებს „ხელშეკრულების ზოგადი პირობებით“ განსაზღვრული საკითხების მნიშვნელობებს და წარმოადგენს ხელშეკრულების განუყოფელ ნაწილს. მათ შორის შესაბამობის შემთხვევაში, უპირატესობა ენიჭება წინამდებარე „ხელშეკრულების სპეციფიკური პირობებს“.

კონტრაქტის ზოგადი პირობები 2.1.1	სამუშაოს მიწოდების ვადა : ხელშეკრულების ხელმოწერიდან 1 კალენდარული თვის განმავლობაში
კონტრაქტის ზოგადი პირობები 2.3	ხელშეკრულების მოქმედების ვადაა 2017 წლის 31 დეკემბრის ჩათლით.
კონტრაქტის ზოგადი პირობები 6.1	ხელშეკრულების ფასია 199.343,75(ასოთხმოცდაცხრამეტი ათას სამასორმოცდასამი ლარი და 75 თეთრი) ლარი.
კონტრაქტის ზოგადი პირობები 7.1.3	ქვეკონტრაქტ(ებ)ით შესასრულებელი სამუშაოების წილის ჯამური ლიმიტი შეადგენს ხელშეკრულების ფასის 50 (ორმოცდაათი) პროცენტს.
კონტრაქტის ზოგადი პირობები 7.3.2	ბენეფიციარის სახელწოდებაა: ახალგორის მუნიციპალიტეტი
კონტრაქტის ზოგადი პირობები 7.3.3	ბენეფიციარის უფლებამოსილი პირი ახალგორის მუნიციპალიტეტის მიერ უფლებამოსილი პირი
კონტრაქტის ზოგადი პირობები 8.2	პროექტის ზედამხედველი არის: გიორგი ქააძე
კონტრაქტის ზოგადი პირობები 8.3	პროექტზე პასუხისმგებელ პირი არის: გიორგი ქააძე
კონტრაქტის ზოგადი პირობები 10.1.2	მიმწოდებლის წარმომადგენლია: იოსებ ოზაშვილი
კონტრაქტის ზოგადი პირობები 14.3.2	შემსყიდველის ოფიციალური საკონტაქტო მონაცემებია: საქართველოს მუნიციპალური განვითარების ფონდი აღმასრულებელი დირექტორი: გიორგი ამაშუკელი მისამართი: დ. აღმაშენებლის გამზ. N150, თბილისი 0112, საქართველო ტელ: +995 32 2437001/02/03/04 ფაქსი: +995 32 2437077 ელ-ფოსტა: procurement@mdf.org.ge
	მიმწოდებლის ოფიციალური საკონტაქტო მონაცემებია: შპს „სახელმწიფო სამშენებლო კომპანია“ იოსებ ოზაშვილი, დირექტორი მისამართი: ქ. თბილისი, ორხევის დასახლება, ახვლედიანის №21 ტელ: +995 32 207310 ელ-ფოსტა: info@scc.ge

წილკანის დევნილთა დასახლების შიდა საუბრო ჭურჩხის მოხარეშვითი სამუშაოები (L=25000მ)

ხარჯთაღრიცხვა					
სამუშაოს დასახლება	განზომილება	რაოდენობა	ერთ. ფასი	ღირებულება	
არსებული საკანალიზაციო ჭურხის ამაღლება	გ	25	325	8125	
არსებული გზის მოშანდავების მექანიზირებული წესით	გ2	12500	1.4258	17822.5	
არსებული გრუნტის ტაპის კოუპეტების გაწმენდა გასუფთავება, გრუნტის ტრანსპორტირება ნაყარში	გ³	450	11	4950	
ახალი გრუნტის ტიპის კოუპეტების მოწყობა მექანიზირებული წესით.	გ³	875	12	10500	
საფუძვლის მოწყობა ქვიშა-ხრეშოვანი ნარევით, სისქით 18სმ	გ³	2250	12	27000	
საფარის მოწყობა ქვიშა-ლორდოვანი ნარევით, ფრაქციით 0-40მმ, სისქით 8 სმ	გ³	1000	28	28000	
ეზოში შესასვლელებზე და მიერთებულებზე ლითონის მიღების მოწყობა დ=500მმ, კედლის სიქით 8მმ	გ	250	156.13	39032.5	
ზორგულება			135430		
ზედნადები ხარჯები 10%			13543		
სულ			148973		
მოგება 8%			11917.84		
სულ			160890.84		
გაუზიგოლისწინებული ხარჯები 5%			8044.542		
სულ			168935.38		
დღგ 18%			30408.37		
მთლიანი ღირებულება			199343.75		



7/2

J. B. M.



სახელმწიფო შესყიდვების
სააგენტოს თავმჯდომარის

გ ა ნ კ ა რ გ უ ლ ე ბ ა



KA080186338822316

2080

15 / ივლისი / 2016 წ.

სსიპ „საქართველოს მუნიციპალური განვითარების ფონდისთვის“ სახელმწიფო
შესყიდვის გამარტივებული შესყიდვით განხორციელების შესახებ თანხმობის
გაცემის თაობაზე

აღწერილობითი ნაწილი

სახელმწიფო შესყიდვების სააგენტოში 2016 წლის 12 ივლისს (20:05 საათზე) სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა სსიპ „საქართველოს მუნიციპალური განვითარების ფონდის“ SMP160001942 მომართვა გადაუდებელი აუცილებლობის საფუძვლით გამარტივებული შესყიდვის განხორციელებაზე თანხმობის გაცემის შესახებ.

მომართვის მიხედვით, შემსყიდველი ორგანიზაცია გეგმავს წილკანის დევნილთა დასახლების დაზიანებული შიდა საუბრო ქუჩების სამშენებლო სამუშაოების (CPV 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები) შესყიდვას.

შემსყიდველი ორგანიზაციის განმარტებით, შესყიდვა გამოწვეულია გადაუდებელი აუცილებლობით, რადგან 2016 წლის 05 ივლისს სსიპ „საქართველოს მუნიციპალური განვითარების ფონდში“ შევიდა ახალგორის მუნიციპალიტეტის გამგეობის 2016 წლის 04 ივლისის № 2-0795 წერილი, ხოლო 2016 წლის 12 ივლისს მაცხოვრებელთა ერთობლივი განცხადება - წილკანის დევნილთა დასახლებაში უხვი ნალექების შედეგად შექმნილი ვითარების აღმოფხვრის მიზნით, მხარდაჭერის თაობაზე. წერილებში მოყვანილი გარემოების თანახმად, 2016 წლის ივნისის თვეში გადაუდებელი წვიმის შედეგად მოხდა არსებული გზების საგალი ნაწილის ასევე ეზოებისა და მიმდებარე ტერიტორიების დატომოვა. წყლის მოცილების მიზნით არ არსებობს არანაირი ქსელი, რის შედეგადაც ხდება დასახლების დაჭაობება, გზის სავალი ნაწილის რიგ ადგილებში შეინიშნება დეფორმაციები, ჯდენები და უსწორმასწორობები, იქმნება ეროზიული პროცესები. შესაბამისად, შეუძლებელი ხდება, როგორც ფეხით მოსიარულეთა, ასევე ავტომობილით გადაადგილება. აღნიშნულიდან გამომდინარე დასახლებულ პუნქტში შექმნილია მძიმე მდგომარეობა, კერ ხორციელდება სასწრაფო დახმარებისა და სახანძრო მანქანების შესვლა. აღნიშნულიდან გამომდინარე, პუნქტში დასახლებული მოსახლეობა, განსაკუთრებით ნალექიან ამინდებში, სრულიად იზოლირებულია, რაც საფრთხეს უქმნის მოსახლეობის ჯანმრთელობასა და სიცოცხლეს.

ამასთან, შემსყიდველი ორგანიზაციისვე განმარტებით, აღნიშნული მდგომარეობა განპირობებული იყო სტიქიის შედეგად, რომლის წინასწარ განსაზღვრა შეუძლებელი იქნებოდა.

სამოტივაციო ნაწილი

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს

№ 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

სააგენტო მიიჩნევს, რომ სახეზეა გადაუდებელი აუცილებლობით შესყიდვის განხორციელების საჭიროება, იმდენად რამდენადაც, შემსყიდველი ორგანიზაციის განმარტებით, 2016 წლის ივნისის თვეში მოსული გადაუდებელი უხვი ნაღების შედეგად სოფელ წილკანში დაზიანდა შიდა საუბნო გზები, დაიტბორა და დაჭაობდა მოსახლეობის საკარმიდამო ნაკვეთები, შეინიშნება ეროზიული პროცესები, რის შედეგადაც საფრთხის შემცველი და შეუძლებელი ხდება მოსახლეობის გადაადგილება.

ამასთან, შესყიდვის განუხორციელებლობა, დიდი ალბათობით, მნიშვნელოვნად შეუშლის ხელს მოცემულ დასახლებულ პუნქტში მცხოვრებ პირთა ნორმალური საცხოვრებელი პირობების შექმნას, რაც მათი ჯანმრთელობის დაზიანების გამომწვევი მიზეზი შესაძლოა გახდეს.

ასევე, ოოგორც სსიპ „საქართველოს მუნიციპალური განვითარების ფონდის“ მომართვიდან იწყევთა, მოცემული ვითარების წინასწარ განსაზღვრა შეუძლებელი იყო, რადგან აღნიშნული მდგომარეობა განაპირობა მოულოდნელმა სტიქიამ.

შესაბამისად, სააგენტოს მიზანშეწონილად მიაჩნია, შემსყიდველი ორგანიზაციის მიერ აღნიშნული შესყიდვა განხორციელდეს გამარტივებული შესყიდვის საშუალებით.

ამასთან, სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განახორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა, კონკურენტული და არადისკრიმინაციული გარემოს შექმნით.

საგულისხმოა, რომ აღნიშნულ საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-6 პუნქტებით და დაადგინა:

- დაკმაყოფილდეს სსიპ „საქართველოს მუნიციპალური განვითარების ფონდის“ SMP160001942 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.
- ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 კმ. №6), კანონმდებლობით დადგენილი წესით.

თავმჯდომარის მოვალეობის შემსრულებელი

ზაზა ნანობაშვილი